



შირაკი

SHIRAKI

გაგორის 1937 წლიდან
დედოფლისწყაროს მუნიციპალიტეტის გაზეთი

№36 (10.141)
5-12 ოქტომბერი 2024 წელი
ფასი: 60 თეთრი
ყოველკვირეული გამოცემა

ლაზა ბექაურის სახელობის სპორტული კომპლექსი გაიხსნა

4 ოქტომბერს საქართველოს მთავრობის უმაღლესი წარმომადგენლები დედოფლისწყაროს სტუმრობდნენ. საქართველოს პრემიერ-მინისტრმა ირაკლი კობახიძემ დედოფლისწყაროს მუნიციპალიტეტის სოფელ არხილოსკალოში ლაზა ბექაურის სახელობის ახლად აშენებული სპორტული კომპლექსი ოლიმპიურ ჩემპიონთან ერთად გახსნა. პრემიერმა დაათვალიერა თანამედროვე სტანდარტის სპორტული კომპლექსი და მუნიციპალური განვითარების ფონდის მიერ განხორციელებულ სამუშაოებს გაეცნო.

კომპლექსი მოიცავს 100 მაყურებელზე გათვლილ ძიუდოსა და ჭიდაობის დარბაზს, ასევე - ფიზიკური მომზადებისა და ძალოსნობის მულტიფუნქციურ დარბაზს. შენობა უზრუნველყოფილია ცენტრალური გათბობისა და გაგრილების სისტემებით, სპორტსმენების გასახდლებითა და საშხაპებით, გათვალისწინებულია დამოუკიდებელი ოთახები მწვრთნელების, მსაჯებისა და ექიმისათვის, აგრეთვე საკონფერენციო და ადმინისტრაციული პერსონალის სივრცეები.

თანამედროვე სტანდარტის სპორტულ კომპლექსში, სპორტსმენებისა და მოყვარულების ფიზიკური მომზადების გარდა, შესაძლებელი იქნება სხვადასხვა ტურნირებისა და შეჯიბრებების გამართვა. პროექტი სახელმწიფო ბიუჯეტიდან 2 363 980 ლარით დაფინანსდა.

კომპლექსის გახსნის ღონისძიებაზე ასევე იმყოფებოდნენ პარლამენტის თავმჯდომარე შალვა პაპუაშვილი, თბილისის მერი კახა კალაძე და აღმასრულებელი და საკანონმდებლო ხელისუფლების წარმომადგენლები და მუნიციპალიტეტის ხელმძღვანელი პირები.

არხილოსკალოში ახალი სპორტული კომპლექსის აშენების პრობლემა ირაკლი ლარიბაშვილმა დედოფლისწყაროში ლაზა ბექაურთან სტუმრობისას ჯერ კიდევ პირველი ოლიმპიური მედლის მოპოვების შემდეგ დადო. ძველი კულტურის სახლის შენობის დემონტაჟის შემდეგ სამშენებლო სამუშაოები დაიწყო.

ლაზა ბექაური: „ეს ის ადგილია, სადაც მე გავიზარდე. საკმაოდ რთულ პირობებში მომინია ვარჯიშის დაწყება და პირველი ნაბიჯების გადადგმა. ეს დიდი მოტივაცია აღმოჩნდა ჩემთვის, რომ საშუალება მიქონოდა და წარმატებებისთვის მიმეღწია, რათა ამ სოფლის სახელი შორს გამეტანა. პირველი გამარჯვების შემდეგ სოფელში რომ დავბრუნდი, მაშინ ჩაეყარა საფუძველი ამ დარბაზის მშენებლობას და ბედნიერი ვარ, რომ შევძელი სოფლისთვის ამის გაკეთება და აქ ასეთი მაღალი დონის კომპლექსი იმუშავებს“.

ახალ სპორტულ კომპლექსში ძირითადი მწვრთნელი ლაზა ბექაურის აღმზრდელი კახა ნიკლაური იქნება, თუმცა, როგორც „შირაქთან“ საუბრისას ნიკლაური ამბობს, დიდი ნაკადის გამო კიდევ რამდენიმე ახალგაზრდა მწვრთნელს დაამატებენ. ახალ დარბაზში ქედების ზონის ახალგაზრდების გარდა სამთაწყარო-ფიროსმანიდანაც ივლიან. იგეგმება სოფლებიდან ტრანსპორტის უზრუნველყოფაც.

კახა ნიკლაური (მწვრთნელი): „ამ დრომდე 50 მოსწავლე გვყავდა, მაგრამ მსურველი გაცილებით მეტია. სათანადო პირობების არარსებობის გამო ვერ ვიღებდით. წელს მიღება არ გვექონია, რადგან დარბაზის გახსნას ვუცდიდით. ახლა კი გამოვაცხადებთ მიღებას და დამატებით ბევრ ახალგაზრდას მიეცემა ვარჯიშის შესაძლებლობა. შესანიშნავი პირობები გვექნება საიმი-სოდ, რომ უფრო მეტი შედეგი ვაჩვენოთ. ლაზა ბექაურის მეორე ოლიმპიური ოქრო დამატებითი მოტივაციაა ამ სოფლებში მცხოვრები ახალგაზრდებისთვის. 2001



წლიდან ვმუშაობ ამ სოფლებში და სავარჯიშო სივრცე არასოდეს გვექონია. მრავალი წელი სკოლის ერთ ოთახში გავატარებდი, სადაც ლაზა ბექაური გაიზარდა. ბოლო წლებში ზემო ქედში გადავიყვანეს და ამ დრომდე იქ დავდიოდით, ახლა ისევ არხილოში დავბრუნდით და საოცარი გარემო გვაქვს. საიმედო თაობა გვყავს, ძალიან მონდომებულები არიან, დიდ შრომას დებენ და ვნახოთ რა შედეგზე გავალთ“.

ნიკოლოზ ჯანიაშვილი: „ახალი დარბაზი ხელს შეუწყობს სპორტის ამ სახეობების პოპულარიზაციას და ჯანსაღი ცხოვრებით დაკავებული მოზარდების რაოდენობის ზრდას. დარწმუნებული ვარ, ამ დარბაზში აღიზრდებიან მომავალი ევროპისა და მსოფლიო ჩემპიონები. ისიც ნათელია, რომ ამ სოფელში ოლიმპიური ჩემპიონობისთვის საჭირო პოტენციალიც არ-

სებობს, ამიტომ, ეჭვიც არ მეპარება, ახალ ოლიმპიურ ჩემპიონებსაც გავზრდით. ამიტომ, ეს კომპლექსი ძალიან მნიშვნელოვანია ჩვენი მუნიციპალიტეტისთვის და დედოფლისწყაროს სპორტული ცხოვრებისთვის“.

ნონა გაფრინდაშვილი: „ვეუყურებ ამ სავარჯიშო კომპლექსს და გაოცებული ვარ. ეს არის დიდი პატივი და ლამაზი დაფასება. რაც მთავარია, ახლომდებარე სოფლებიდან ბავშვებს მიეცემა შესაძლებლობა სათანადოდ მოემზადნენ. აქვეა დასასვენებელი ოთახებიც, შეეძლება აქვე დარჩნენ. ყველაფერი საუკეთესოა და გათვლილი. ყველა დედოფლისწყაროელს ვულოცავ ამ ამბავს და, რა თქმა უნდა, ლამაზს ვულოცავ. წარმატებები მინდა გისურვოთ“.

ილია მარტყოფლიშვილი



ყურადღება!
საქართველოს საარჩევნო კოდექსის მუხლი №50.2.4-ით განსაზღვრული მოთხოვნების შესაბამისად, წინასაარჩევნო კამპანიის ფარგლებში, გაზეთი „შირაქი“ ყველა საარჩევნო სუბიექტს დაუთმობს საგაზეთო ფართს პოლიტიკური რეკლამისათვის. 26 ოქტომბრამდე გაზეთი „შირაქი“ ყოველკვირეულად, თითოეულ ნომერში საპარლამენტო არჩევნებში მონაწილე საარჩევნო პარტიებსა და კანდიდატებს გაზეთის ფართს დაუთმობს, რომელიც განკუთვნილი იქნება ფასიანი/უფასო პოლიტიკური რეკლამისთვის და თანაბრად გადახანილდება ყველა საარჩევნო სუბიექტზე. ფასიანი პოლიტიკური რეკლამისთვის გამოყოფილი გაზეთის ერთი გვერდის ღირებულება კი 150 ლარით განისაზღვრება.

განათლების მინისტრად ალექსანდრე ნულაძე დაინიშნა



საქართველოს განათლების, მეცნიერებისა და ახალგაზრდობის მინისტრის თანამდებობა ალექსანდრე ნულაძემ დაიკავა.

განათლების ახალი მინისტრი მთავრობის ადმინისტრაციაში გამართულ ბრიფინგზე საქართველოს პრემიერ-მინისტრმა, ირაკლი კობახიძემ წარადგინა. ნულაძე ამ დრომდე ამავე უწყებაში, მინისტრის პირველი მოადგილის თანამდებობას იკავებდა.

ცნობისთვის, საქართველოს განათლების მეცნიერებისა და ახალგაზრდობის ყოფილი მინისტრი გიორგი ამილახვარი თანამდებობიდან 28 სექტემბერს გადადგა. მისი თემით, ის კერძო სექტორში ბრუნდება.

ანტიკორუფციულმა ბიურომ „გახსნადავლი საარჩევნო მიზნის მქონე სუბიექტებად გამოცხადების შესახებ საკუთარი გადაწყვეტილება გააუქმა“

ანტიკორუფციულმა ბიურომ გააუქმა მისი გადაწყვეტილება, „საერთაშორისო გამჭვირვალობა-საქართველოსა“ და მისი აღმასრულებელი დირექტორის, ეკა გიგაურის „გაცხადებული საარჩევნო მიზნის მქონე სუბიექტებად გამოცხადების“ შესახებ.

შესაბამისი განცხადება ბიუროს ხელმძღვანელმა რაულენ კუპრაშვილმა დღეს გამართულ პრესკონფერენციაზე გააკეთა.

„სიტყვა - „გამჭვირვალობა“ - შეუთავსებელია თავისი უფალ და ღია საზოგადოებასთან. ფაქტების უკანონო დამალვიდან მომდინარე საფრთხე ბევრად აღემატება იმ მიზეზებს, რითაც ცდილობენ გამჭვირვალობის გამართლებას. ეს ძალები ეყრდნობიან ფარულ მეთოდებს თავიანთი გავლენის სფეროს გაფართოებისთვის. მათი საქმიანობა არის დაფარული და გამჭვირვალე. ისინი მოქმედებენ ჩუმად და არა სიამაყით. მათი დანახარჯები არ არის გაცხადებული, რაც საფრთხეს უქმნის მოქალაქეთა ინფორმირებული არჩევანის გაკეთების უფლებას.

ანტიკორუფციული ბიუროს მთავარ მიზანს წარმოადგენს გამჭვირვალობის, კანონის უზენაესობისა და მოქალაქეთა ინფორმირებული არჩევანის უფლების დაცვა. ამ მიზნით, მუდმივი მონიტორინგის ფარგლებში, ჩვენ არაერთი კანონდარღვევა გამოვავლინეთ, ხოლო შესაბამისი სუბიექტები დავუქვემდებარეთ კანონით გათვალისწინებულ რეგულაციებს. ჩვენი გადაწყვეტილებები დასაბუთებულია უმაღლესი სტანდარტით და ეფუძნება სტრასბურგის სასამართლოს პრაქტიკას. მონიტორინგის ფარგლებში ჩვენ მიერ გამოვლენილი არაერთი ფიზიკური პირი, განცხადებულ საარჩევნო მიზნის მქონე სუბიექტებად ცნობისთანავე მალევე შეუერთდა შესაბამის პოლიტიკურ პარტიას, რითაც მათ დაადასტურეს გადაწყვეტილებების უტყუარობა.

აქვე ხაზგასმით აღვნიშნავთ, რომ არც ერთი გადაწყვეტილებით არ იზღუდება ფიზიკური თუ იურიდიული პირების მიერ არჩევნებზე დაკვირვების უფლება. აღნიშნულ საკითხზე გამოთქმული ბრალდებები წარმოადგენს სიცრუესა და სპეკულაციას. ერთადერთი მოთხოვნა არის პოლიტიკური მიზნით განეული დანახარჯების საზოგადოებისთვის გასაჯაროება.

მიუხედავად იმისა, რომ ჩვენ ინდივიდუალურად შევხვდით საერთაშორისო დამკვირვებლებს, მათ შორის ევროპარლამენტის დელეგაციას, ავუსხენით მათ გადაწყვეტილების შინაარსი და დავუდასტურეთ, რომ ამას არანაირი კავშირი არ აქვს სადამკვირვებლო პროცესთან, სიცრუის ტირაჟირება არათუ არ შემცირებულა, არამედ კიდევ უფრო გაიზარდა, რამაც საფრთხე შეუქმნა ქვეყნის ეროვნულ ინტერესებს.

სამწუხაროა, რომ ორგანიზაცია, რომლის სახელწოდებაც უკავშირდება გამჭვირვალობას, პირველი აღმოჩნდა, რომელმაც უარი თქვა გამჭვირვალობაზე და ამის ნაცვლად აირჩია კანონის უზენაესობის პრინციპზე თავდასხმა. ამ ორგანიზაციას, სხვა არასამთავრობო ორგანიზაციების მსგავსად, არ სურს საზოგადოებას გაუმხილოს თუ რა მიზნით

იხარჯება ათობით მილიონი ლარი მაშინ, როცა თავად კანონზე მაღლა ცდილობენ დადგომას.

იმ შემთხვევაში თუკი ამ ორგანიზაციების მიერ მოხდებოდა პოლიტიკური მიზნებით განეული დანახარჯების საზოგადოებისთვის გასაჯაროება, ფარდა აებდებოდა ბოლო პერიოდში მიმდინარე მოვლენებს. მოსახლეობისთვის აშკარა გახდებოდა თუ როგორ იმართებოდა მთელი რიგი პროცესები საზოგადოებრივი აზრის ფორმირებისთვის. გამჭვირვალობის შემთხვევაში ნათლად გამოჩნდებოდა თუ რა ფინანსური ინტერესები დგას, მათ შორის საერთაშორისო ასპარეზზე ქვეყნის ვიზალიზერალიზაციის შეჩერების მიზნით გაკეთებული განცხადებების უკან.

საქართველოს კონსტიტუცია ცალსახად აღნიშნავს, რომ სახელმწიფო ხელისუფლების წყაროა ხალხი, ხოლო არჩევნები წარმოადგენს დემოკრატიის უმთავრეს ნიშანს. არავის არ უნდა მიეცეს იმის შესაძლებლობა, რომ ეჭვქვეშ დააყენოს საქართველოს მოქალაქეების მიერ არჩევნებში დაფიქსირებული შედეგები. აღნიშნულიდან გამომდინარე და ქვეყნის ეროვნული ინტერესების გათვალისწინებით, აუცილებლად მივიჩნევთ გამოვიყენოთ დისკრეცია და გაგაუქმოთ ყველა ის გადაწყვეტილება, რომლის თანახმადაც ეს ორგანიზაციები დავავალდებულეთ გამჭვირვალე გაეხადათ პოლიტიკურ პროცესებში განეული დანახარჯები და ეს გაეცნოთ საზოგადოებისთვის. ანტიკორუფციული ბიუროს გადაწყვეტილებას საქართველოს მოქალაქეების ინფორმირებული არჩევანის სადარჯოზე დგომას. ჩვენ ვემსახურებით საქართველოს“, — განაცხადა რაულენ კუპრაშვილმა.

ცნობისთვის, საქართველოს პრემიერ-მინისტრმა, ირაკლი კობახიძემ გუშინ, ანტიკორუფციულ ბიუროს მოუწოდა, „საერთაშორისო გამჭვირვალობასა“ და „გაცხადებული საარჩევნო მიზნის მქონე ორგანიზაციად აღიარებულ სხვა სუბიექტებთან“ დაკავშირებული გადაწყვეტილება შეცვალოს.

„სახელმწიფო ინტერესებისათვის და პირველ რიგში, საარჩევნო პროცესში გარე მანიპულაციის თავიდან ასარიდებლად მიზანშეწონილად მიმაჩნია, „საერთაშორისო გამჭვირვალობა — საქართველოს“ განცხადებული საარჩევნო მიზნის მქონე ორგანიზაციის სტატუსი მოეხსნას — მოეწოდებ საქართველოს ანტიკორუფციულ ბიუროს გადახედოს თავის გადაწყვეტილებას აღნიშნული ორგანიზაციის და სხვა შესაბამისი სუბიექტებისთვის განცხადებული საარჩევნო მიზნის მქონე ორგანიზაციის სტატუსის შეფარდების შესახებ“, — განაცხადა კობახიძემ.

შეგახსენებთ იმასაც, რომ ანტიკორუფციული ბიუროს 24 სექტემბრის გადაწყვეტილებით, ეკა გიგაურისა და ხათუნა ლაგაზიძის ორგანიზაციები „საერთაშორისო გამჭვირვალობა — საქართველო“ და „აირჩიე ევროპა“ „გაცხადებული საარჩევნო მიზნის მქონე სუბიექტებად“ გამოცხადდნენ, რის გამოც მათზე „მოქალაქეთა პოლიტიკური გაერთიანების შესახებ“ კანონი უნდა გავრცელებულიყო.

დედოფლისწყაროს მზა სადილის მწარმოებელი კომპანია ოქტომბრიდან ექსპორტის გაფართოებას გეგმავს

დედოფლისწყაროს მუნიციპალიტეტის სოფელ გამარჯვებაში მოქმედი ქართული ტრადიციული კერძების და კონსერვების მწარმოებელი კომპანია „სადილი“, ოქტომბერში საექსპორტო არეალის გაფართოებას განიხილავს.

როგორც კომპანიაში აცხადებენ, ამ ეტაპზე პროდუქცია ექსპორტზე აზერბაიჯანში გადის, თუმცა მოლაპარაკებები მიმდინარეობს ამერიკასთან, ჩინეთთან, ბალტიის ქვეყნებთან და გალფის ქვეყნებთან. ამ დროისთვის კომპანიის პროდუქციის ძირითადი ნაწილი ამჟამად, ადგილობრივ ბაზარზე იყიდება.

ცნობისთვის, „სადილი“ ბაზარზე 4 წლის წინ გამოჩნდა. საწარმო დედოფლისწყაროში სოფელ გამარჯვებაში მდებარეობს, სადაც ძირითადად ადგილობრივები არიან დასაქმებულები. საწარმოო FSSC 22000 — საერთაშორისო ხარისხის სერტიფიკატს ფლობს. ამ ეტაპზე კომპანია 20-მდე დასახელების პროდუქტს აწარმოებს. **შიკაპი**

მირზაანში შატო გაიხსნა

დედოფლისწყაროს მუნიციპალიტეტის სოფელ მირზაანში, „ვილაჯიო მირზაანი რეზორტის“ ტერიტორიაზე შატო გაიხსნა.



როგორც „ვილაჯიო მირზაანი რეზორტის“ დამფუძნებელმა და დირექტორმა რატი ტოკლიკიშვილმა განაცხადა, ახლადშენებული შატო მოიცავს

ღვინის მარანსა და სადეგუსტაციო სივრცეს. მისი განმარტები, ეს პროექტი „ანარმოდ საქართველოში“ დაფინანსებისა და „თიბისი“ ბანკთან პარტნიორობის ფარგლებში განხორციელდა.

„შატოსა და სასტუმროს სტუმრებს შეუძლიათ როგორც ქვეყნის, ისე ევროპული წესით დაყენებული ღვინის დეგუსტაცია. აგრეთვე, მოისმენთ ღვინის დაყენების ისტორიებს და თუ რა გზას გადის ყურძენი „რთველიდან-ღვინომდე“. ასევე თონეში პურის ჩაკერის მასტერკლასი, თათარას მომზადება და ჩურჩხელების ამოვლება“, — განაცხადა რატი ტოკლიკიშვილმა.

„ვილაჯიო მირზაანი რეზორტის“ ტერიტორიაზე პირველი სივრცე ორი წლის წინ გაიხსნა. სასტუმროსა და კოტეჯებში ორი სტუმრის განთავსების ფასი საუზმით 200-დან 300-ლარამდეა. კომპლექსში

ჯამში მილიონამდე დოლარის ინვესტიცია განხორციელებულია.

„3 წლის წინ, 19 წლის ასაკში 170 000 ლარი გრანტი მოვიგე კოტეჯების გასაკეთებლად. ამაზე ვერც ვიოცნებებდი... მას შემდეგ ასობით ბანკეტს, წვეულებას, ქორწილს და ათასობით ქართველს, თუ უცხოელ დამსვენებელს ვუმასპინძლეთ. უამრავმა ადამიანმა შეიყვარა ეს უნიკალური ადგილი ისე, როგორც ადრე ფიროსმანს უყვარდა. არც ერთი დღე განვითარება არ შეგვიწყვეტია. ახლა ჩვენი სასტუმრო კომპლექსი მოიცავს ათ კოტეჯს, 15 ნომრის სასტუმროს, ორ საკონფერენციო სივრცეს, რესტორანს, ბარ-რესტორანს წყალზე, ორ დახურულ თერმო აუზს ღია ტერასით (6 მ ბავშვებისთვის და 20მ საერთო), გასართობ სივრცეს, ორ ტერასას, ვენახს, ბოსტანს, სკვერს და ღვინის მარანს“ — აღნიშნავს რატი ტოკლიკიშვილი. **შიკაპი**

ხალხური სიმღერისა და ბალეტის სკოლის მორიგი წარმატება

დედოფლისწყაროს ჰამლეტ გონაშვილის სახელობის ხალხური სიმღერის და ბალეტის სკოლის ზემო ქედის, არხილოსკალოსა და ქვემო ქედის გუნდმა მონაწილეობა მიიღო საგუნდო საზოგადოების ბავშვთა და ახალგაზრდული საგუნდო კონკურსების VIII ეროვნულ კონკურსში.

ზემო ქედის, არხილოსკალოსა და ქვემო ქედის გუნდმა მეორე ტურში, ქართული ხალხური სიმღერის კატეგორიაში, მოიპოვა პირველი ადგილი და I ხარისხის დიპლომი.

„ბავშვებმა ამისთვის ბევრი იმრომეს. ბევრი წინააღმდეგობაც იყო, მა-

გრამ არაფერია ამ ბავშვების ღიმღერე უკეთესი და მათ განვითარებაზე უფრო მნიშვნელოვანი რამ. მაღლობა საქართველოს საგუნდო საზოგადოებას, დედოფლისწყაროს მუნიციპალიტეტის მერისა და დედოფლისწყაროს ჰ.გონაშვილის სახ.ხალხური სიმღერის და ბალეტის სკოლას, რომ უკიდურეს აღმოსავლეთში, საზღვრისპირა სოფლებში მცხოვრები ბავშვები შეამჩნიეთ და ამდენი სიხარული მიანიჭეთ“ — აღნიშნავს გუნდის ხელმძღვანელი ანა ლოლაშვილი.

დაჯილდოვება კონსერვატორიის დიდ დარბაზში გაიმართება.



ეჭიმი ხშირად პასიენტის მეგობარი და იმედია...

„ბევრჯერ მიჭირდა, მაგრამ ჩემი პრინციპისთვის არასდროს მიღალატი... ფულს მხოლოდ კულტად ნუ გაიხდიან. ეჭიმა მომკვდავ ადამიანთან გასამრჯელო უნდა დაივინოს. მერნმუნეთ, ფულს ასე ვერ დაავროვებს, მაგრამ ქვეყნის სიყვარულს და პატივისცემას კი შეიძენს“-ეს ცნობილი ეჭიმის სიტყვებია, რომელიც შიპოკრატეს ფიცის გამოძახილია და ყველა მედიკოსის პოზიციას გამოხატავს.

ხათუნა აბლაქის დედოფლისწყაროელი კარგად იცნობენ. ის ათეული წლებია, მუნიციპალიტეტის მოსახლეობის ჯანმრთელობის დაცვის საქმეს ემსახურება. რამდენიმე დღის წინ მას საპატიო დედოფლისწყაროელის წოდება მიანიჭეს.



გაზეთი „შირაქი“ კიდევ ერთხელ ულოცავს მას ამ ჯილდოს და ხათუნა აბლაქისთან ინტერვიუს გთავაზობთ.

— ქალბატონო ხათუნა, გილოცავთ საპატიო დედოფლისწყაროელის წოდების მინიჭებას. რას ნიშნავს თქვენთვის ეს ჯილდო?

— ეს ჯილდო ჩემთვის ძალიან დიდი პატივი და პასუხისმგებლობაა. როცა საზოგადოება გიცნობს და აღიარებს შენს საქმიანობას, ეს არის ძალიან მთავარი და პატივმოყვარეობის და გაცემის უფრო მეტი. ეს წოდება ჩემთვის არა მხოლოდ პირადი მიღწევაა, არამედ ყველას, ვინც ჩემთან ერთად იმუშავებს სამედიცინო პერსონალის, ჩემი ოჯახისა და იმ ადამიანების დამსახურებაა, ვინც ყოველდღიურ ცხოვრებაში ჩემს გვერდით არის.

— თქვენ დაჯილდოვდით მოსახლეობის ჯანმრთელობის დაცვის საქმეში შეტანილი განსაკუთრებული წვლილისთვის. გზა ეჭიმობიდან მენეჯერობამდე...

— ეჭიმობა ჩემთვის ყოველთვის იყო თავდაუზოგავი შრომა და ემოციური ერთგულება პაციენტების მიმართ. თუმცა, როდესაც მენეჯერულ პოზიციაზე გადავედი, მივხვდი, რომ ბევრი რამ, რასაც მანამდე ხშირად შიშველი ხელებით ვაკეთებდით კლინიკაში, სისტემური ცვლილებების მეშვეობით, უფრო ეფექტური შეიძლება გამხდარიყო. მენეჯერი უფრო მეტად არაკლინიკურ საკითხებს, პროცესების ოპტიმიზაციასა და სტრატეგიის დაგეგმვას უძღვება. მენეჯერობაში გადასვლა საჭიროებდა ახალი უნარების შეძენას – ფინანსებისა და ადამიანური რესურსების მართვას, გადაწყვეტილებების სწრაფად მიღებასა და გუნდთან ეფექტური კომუნიკაცია. ჩემს ძირითად პროფესიას ეჭიმობას, კიდევ უფრო მეტი სიღრმე და გამჭვირვალობა შემატა ამ პოსტმა.

— თქვენ იყავით სასწრაფო-სამედიცინო დახმარების სამსახურის უფროსი და ხშირად როგორც რიგითი ეჭიმი დადიოდით გამოძახებულზე. სწორედ მაშინ შეიყვარა დედოფლისწყარომ ხათუნა ეჭიმი. რა შეცვალა ხელმძღვანელის პოსტმა, ხომ არ დაიკარგა ეჭიმი ხათუნა აბლაქი?

სასწრაფო-სამედიცინო დახმარების სამსახურის ხელმძღვანელად მუშაობა დიდი პასუხისმგებლობაა და პროფესიონალიზმთან ერთად სწრაფ რეაქციას და მობილობას მოითხოვს. ხელმძღვანელობა, როგორც უკვე აღვნიშნე, დიდი პასუხისმგებლობაა და ის კომფორტს არ ნიშნავს. მე, პირველ რიგში, ვიყავი ეჭიმი და მობილურ გუნდთან ერთად მეც აქტიურად დავდიოდი გამოძახებულზე. საავადმყოფოს მენეჯერის პოსტმა „ხათუნა ეჭიმი“ არ „ჩაყლაპა“, პირიქით, ამ როლმა უფრო მეტად გამიღრმავა ჩემი დამოკიდებულება პროფესიის მიმართ. ჩემი, როგორც მენეჯერის

ჩემი ოჯახი და ახლო ადამიანები ყოველთვის მხარს მიჭერდნენ, მიჩვენებდნენ, რომ საკუთარი შრომითა და ნიჭით ყველაფერი შესაძლებელია. მჯეროდა, რომ მოთმინება და თავდადება გვაძლევს ყველაზე მნიშვნელოვან შედეგს – წარმატებას. რთული იყო, მაგრამ საბოლოოდ შევძელი იმ გზის გავლა, რომელიც ჩემი ოცნებისკენ მიმიყვანდა.

— ყველაზე დიდი ტკივილი როდის განიცადეთ?

— უდიდესი ტკივილი განვიცადე კოვიდპანდემიის დროს, როცა ყველანაირი მცდელობის მიუხედავად, ვერ მოვახერხე ჩემთვის უძვირფასესი ადამიანის გადარჩენა. ამ ფაქტის შემდეგ განადგურებული ვიყავი, როგორც ეჭიმი და როგორც ადამიანი.

— უსუსურობის გრძნობა, როგორც ეჭიმს, თუ გქონიათ როდისმე?

დიახ, ეჭიმს ყველასთვის უცნობი და მძიმე განცდა აქვს, როცა თავს უსუსურად გრძნობს, რადგან ამ პროფესიაში ყველაზე დიდი გამოწვევაა, ადამიანების დახმარების სურვილთან ერთად, იმ ფაქტთან შეგუება, რომ ყველაფერი ყოველთვის ჩვენზე დამოკიდებული არ არის. მქონია ბევრი ისეთი შემთხვევა, როდესაც გრძნობ, რომ ყველაფერს აკეთებ, მაგრამ შედეგს ვერ აღწევ; როდესაც მედიკამენტები, მკურნალობა, ოპერაციები და ყველა შესაძლო რესურსი გამოიყენე, მაგრამ საბოლოოდ პაციენტი მაინც იღუპება. ეს მაშინ არის ყველაზე მძიმედ გადასატანი.

ეს გრძნობა არ არის მხოლოდ ადამიანურად ემოციური, არამედ პროფესიული ტკივილიცაა. ეჭიმები, ძირითადად, ცხოვრობენ იმ აზრით, რომ მათ შეუძლიათ ადამიანის სიცოცხლე დაიცვან, რომ ყოველ ჯერზე უნდა შეძლონ სამედიცინო ცოდნისა და გამოცდილების გამოყენება. მაგრამ როცა რაღაც მაინც არ გამოდის, მაშინ იქნება განცდა, რომ თითქოს შენი ძალისხმევა არაფერს ნიშნავს. ეს განსაკუთრებით რთულია მაშინ, როდესაც პაციენტთან ემპათიური და ადამიანური კავშირი იქმნება, როცა მასთან უფრო ახლოს ხარ, ვიდრე უბრალოდ „ეჭიმი“.

მაგრამ ეს გამოცდილებები მეტყველებს იმის შესახებ, რომ ეჭიმობა მხოლოდ პროფესიონალიზმზე არ არის დამოკიდებული. პაციენტების დახმარება ძალიან ხშირად არა მხოლოდ ფიზიკურ თუ პრაქტიკულ დონეზე, არამედ ემოციურ მხარდაჭერაზეა დამოკიდებული. როცა პაციენტისთვის

— იმ პერიოდში, როდესაც თქვენ აბიტურიენტი იყავით, სამედიცინო ინსტიტუტში მონაწილეობა გარკვეულ სირთულეებთან იყო დაკავშირებული. საბჭოთა პერიოდში გამეფებული კორუფცია ბევრ მოტივირებულ ახალგაზრდას ტოვებდა საოცნებო პროფესიის მიღმა. თქვენ როგორ მოახერხეთ კორუფციული სისტემის გარღვევა?

დიახ, მაშინ რთული პერიოდი იყო, როცა ყველა მნიშვნელოვანი ცვლილება თუ ნაბიჯი, მათ შორის, სამედიცინო ინსტიტუტში მოხვედრა, ხშირად დამოკიდებული იყო კორუფციულ პრაქტიკაზე. თუმცა,

კითხვები პორტრეტისთვის:

რა გააბედნიერებთ?
მაბედნიერებს კმაყოფილი და ბედნიერი სახეების დანახვა, მინდა, ჩემს გარშემო ყველა ჯანმრთელი, წარმატებული და გახარებული იყოს.

რა შანსის ლიტერატურა გიყვართ?
მიყვარს შემეცნებითი, ისტორიული, პუბლიცისტური ხასიათის ლიტერატურა.

საყვარელი პოეტი, მწერალი...
საყვარელი პოეტი - ვალაკტიონი, მწერლები: კონსტანტინე გამსახურდია, გურამ დოჩანაშვილი, ოთარ ჭილაძე.

საყვარელი კომპოზიტორი?
საყვარელი კომპოზიტორი გია ყანჩელი.

რას ვერ აპატიებ ადამიანს?
ადამიანებს ვერ ვპატიობ ტყუილს, ღალატს.

რა არის ერთგულება?
ერთგულება ნიჭია, რომელიც ყველა ადამიანს არ გააჩნია.

რა არის სიკეთე?
სიკეთეც თვისებაა, რომლის კეთებაც ყველას არ შეუძლია, მიყვარს დაფარული სიკეთე, რომელსაც არ სჭირდება გახმაურება, ვისურვებდი, ქვეყანაზე უამრავი სიკეთის მქონე ადამიანის არსებობას.

რა არის შენთვის განსაკუთრებული?
ჩემთვის განსაკუთრებული მოგზაურობაა, მაინტერესებს ყველა ქვეყანა თავისი ისტორიით, ეთნოსით, კულტურით და ღირსშესანიშნაობებით. ბედნიერი ვარ, როცა ამის საშუალება მეძლევა.

წარმოადგენს სასიცოცხლო მნიშვნელობის იმედს, მაშინ უკვე ყველანაირი უსუსურობის შეგრძნება ქრება. ეჭიმი ვერ შეძლებს ყველაფერის შეცვლას, მაგრამ ზოგჯერ ერთი პატარა ნაბიჯიც კი, ერთი დამამიჯნებელი სიტყვა, უდიდესი მნიშვნელობის მატარებელია პაციენტისთვის.

— როდის ხართ ყველაზე ბედნიერი, როგორც ეჭიმი ან მენეჯერი?

ყველაზე ბედნიერი ვარ მაშინ, როდესაც ხედავ, რომ ძალისხმევას მოაქვს შედეგი - ეს იქნება პაციენტის გამოჯანმრთელება, გუნდის წარმატებული მუშაობა, თუ რეგიონში სასიცოცხლო მნიშვნელობის პროექტის წარმატებით განხორციელება.

— დღეს ეჭიმობა კვლავ ერთ-ერთ მოთხოვნად პროფესიად რჩება, მაგრამ არა ლიდერად პროფესიებს შორის. რატომ?

ეჭიმობა ნამდვილად მოთხოვნადი პროფესიაა, ვერ დაგეთანხმებით, რომ არ არის ლიდერ პროფესიებს შორის. ფაქტია, დღეს-დღეობით უამრავმა ახალგაზრდამ გამოთქვა ეჭიმობის სურვილი როგორც ადგილობრივ დონეზე, ასევე უცხოეთიდან. საქართველოს სამედიცინო ინსტიტუტში დღეს უამრავი უცხოელი სტუდენტი ჩამოსული სრულყოფილი განათლების მიზნით, მაგრამ პრობლემა ის, რომ ინსტიტუტის დამთავრების შემდეგ ან საზღვარგარეთ მიდიან, ან ქვეყნის დედაქალაქში სურთ მუშაობის დაწყება, რაც რაიონის მასშტაბით ქმნის კვალიფიციური კადრების დეფიციტს.

— რეგიონში ახალგაზრდა ეჭიმები ნაკლებად ბრუნდებიან. როგორ გგონიათ, რა არის ამის მიზეზი და რა უნდა გაკეთდეს იმისთვის, რომ მუნიციპალიტეტებში კადრების დეფიციტი აღარ იყოს?

ჩემი აზრით, მუნიციპალიტეტებში კადრების დეფიციტის აღმოსაფხვრელად საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრომ ყველა ახალგაზრდა ეჭიმი ინსტიტუტის დამთავრების შემდეგ ორი-სამი წლის განმავლობაში უნდა მიაძაროს რაიონებს საშუალოდ, ამის შემდეგ რაიონებში არ შეიქმნებოდეს ახალგაზრდა კადრების დეფიციტი.

— მენეჯერის რთულ და საპასუხისმგებლო საქმიანობას როგორ უთავსებთ ოჯახს?

ძალიან რთულია იყო კარგი ხელმძღვანელი, დედა და დისასხლისი, მაგრამ მე ბუნებით მაქსიმალისტი ვარ, ვერ ვეგუებო საშუალო დონეს, აქედან გამომდინარე, ვცდილობ, ვიყო ყველა სფეროში მონესრიგებული, რამდენად გამომდის ეს, ოჯახის ნევრებს უნდა ვეითხოვ.

— ხათუნა ეჭიმი, როგორც დედა და ოჯახის დისასხლისი...

ვცდილობ, ვიყო მზრუნველი, ყურადღებიანი, მოსიყვარულე და ჩემს გარშემო მყოფ ადამიანებს შევუქმნა კომფორტი.

იცით, რატომ ყვირიან მამლები ყოველთვის ერთსა და იმავე დროს?

თუ სოფლები გაიზარდით ან ცოტა ხნით მაინც მოგინათ იმ ცნობიერება, აუცილებლად გაცოცხლებათ, რომ მამლები კარგად და სანდო მალევიან არ არსებობს - ეს მამლები, როცა დილით ადრე ხართ ასადგომი; მაგრამ თუ სუფთა ჰაერზე სანდო მამლები და დილის ძილი თქვენს ჰორიზონტს ახსენებთ არა და არ მოგასვენებთ და ჯიუტად შემოსახებთ ყოველთვის მანამ, სანამ იძულებული არ გახდებით მის ბრძანებას დაემორჩილოთ და ლოგინიდან წამოდგეთ.

მაინც რატომ ყვირიან მამლები გამთენიისას ყოველთვის ერთსა და იმავე დროს? როგორ მუშაობს ეს ბიოლოგიური მალევიანობა, რომლის გამორთვა შეუძლებელია? ამ კითხვებზე პასუხს იაპონელი ორნიტოლოგები გაგვცემენ, რომელთაც გამოიკვლიეს და შეისწავლეს ცოცხალი მალევიანობის მოქმედების მექანიზმი.

თუ ისტორიას გადავავლებთ თვალს, ვნახავთ, რომ მამალი (და ზოგადად ქათმები) პირველად მოაშინაურეს ინდოეთში დაახლოებით 2000-3000 ათასწლეულში ჩვენს ნელთალრიცხვამდე. იქ ისინი წმინდა ფრინველებად ითვლებოდნენ. მამლებთან იყო დაკავშირებული უამრავი ცრურწმენა და წინასწარმეტყველება. მაგალითად, მამლის და ზოგადად ქათამის დაკვლა და საკვებად გამოიყენება არ შეიძლება. ისინი ინდოელებს გაშვებული ჰყავდათ თავიანთ ეზოებში ავი სულე-

ბისა და უბედურებისაგან ოჯახის დასაცავად.

მამლის „რეპერტუარში“ დაახლოებით 24 განსხვავებული ხმოვანი სიგნალია. მისი ყვილი კი 90 დეციბელის სიძლიერეს აღწევს.

ახლა კი დავუბრუნდეთ მთავარ კითხვას: რატომ ყვირიან მამლები დილით ერთსა და იმავე დროს? - ცნობილია, რომ ისინი რეგულარულად სამჯერ ყვირიან-შუალამისას, გამთენიისას და დილით, თუმცა მამლის ყვილი დღის ნებისმიერ დროს შეიძლება გავიგონოთ. ორნიტოლოგების აზრით, მამლის ყვილი არის დემონსტრირება მის უპირატესობისა, კერძოდ იმისა, რომ ამ ეზოს, ამ ტერიტორიის ბატონობა მათია. გარდა ამისა, ყვილით ისინი კონტაქტს ამყარებენ მეზობელ-კონკურენტ მამლებთან.

დიდი ხნის მანძილზე ანტირეგულაციური ადამიანებს, თუ რატომ ყვირიან მამლები გამთენიისას ზუსტად ერთსა და იმავე დროს, სანამ იაპონელმა მეცნიერებმა არ ჩაატარეს ექსპერიმენტი და პასუხი არ გასცეს ამ კითხვებზე: როგორც ვარაუდობდნენ, მამლის ყვილი არის ერთგვარი განაცხადი იმიტომ, რომ ახალი დღე დგება. პირველ სიგნალს იძლევა ყველაზე უხუცესი, დომინირებადი, პირველი რანგის მამალი, რომელსაც ექვს აძლევს მეორე რანგის მამლები და ასე შემდეგ. საოცარია, მაგრამ ეს ფრინველები საოცრად მკაცრად იცავენ იერარქიას.

მამლის ყვილი ტერიტორიულ აკუსტიკურ სიგნალს მიეკუთვნება,



რაც ძალიან მნიშვნელოვანია ფრინველების ურთიერთობაში, განსაკუთრებით ველურ ფრინველებს შორის. თუმცა შინაური მამლები აგრძელებენ მთელი სოფლისთვის საქათმეში თავისი უფლებების შესახებ შეტყობინებას. ყვილი გამოწვევას სხვა მამლებისა, რაზეც სხვები ასევე ყვილით პასუხობენ. მეცნიერები ამბობენ, რომ ასეთი სისტემა ჩამოყალიბდა ჯერ კიდევ მანამდე, სანამ ადამიანი მოიშინაურებდა ქათმებს. სწორედ ყვილი ეხმარებოდა მათ დაეცვათ თავიანთი ტერიტორია და მოეგერიებინათ მცირე ზომის მტაცებლები და თუ მამალი ღამით უძროდ დროს ყვირს, ეს ერთგვარი სიგნალია იმისა, რომ საქათმეში რაღაც ვერაა რიგზე და ქათმებს თავს მტაცებელი დაესხა.

მაგრამ იაპონელი მეცნიერების

ექსპერიმენტის ყველაზე საინტერესო შედეგი იყო იმის დადგენა, რომ მამლებს არ გააჩნიათ ბიოლოგიური საათი. ამის ვარაუდი მანამდეც არსებობდა, თუმცა ეს უკვე მეცნიერულად დასაბუთდა. ექსპერიმენტის დროს მამლებს ათავსებდნენ აბსოლუტურად ბნელ ოთახში, ისე, რომ ისინი სინათლეს საერთოდ ვერ ხედავდნენ, მაგრამ მიუხედავად ამისა, ფრინველები მაინც აგრძელებდნენ ყვირს გამთენიისას ერთსა და იმავე დროს... ამ დაკვირვების საფუძველზე სწავლულმა გამოიტანეს დასკვნა, რომ მამლების ბიოლოგიური რიტმი შეესაბამება ჩვეულებრივ დღე-ღამურ რიტმს. სწორედ ამიტომ იღვიძებენ ისინი ყოველთვის ერთსა და იმავე დროს და ომანიანი ყვილით გვამცნობენ ახალი დღის დაწყებას.

საპონის გამოყენება, სანთლის დამზადება, ფანჯრები - ყველაზე უცნაური ჯარბეები მსოფლიო ისტორიაში

ისტორიის განმავლობაში, მთავრობები ბიუჯეტის შევსებას უჩვეულო გადასახადების დანახვით ცდილობდნენ.

მაგალითად, ინგლისში, მე-17 საუკუნეში დაწესებული იყო გადასახადი ფანჯრებზე.

წარმოგიდგინთ ყველა დროის ყველაზე უცნაურ გადასახადებს:

კალინარული ზეთი (3000-300 კვ. წ.)

ძველ ეგვიპტეში ფარაონებს გადასახადი ჰქონდათ დაწესებული კულინარიული ზეთის გამოყენებაზე.

გადასახადების ამკრეფები კი დადიოდნენ კარდაკარ და ამოწმებდნენ, რა სახის ზეთს იყენებდნენ მოქალაქეები. ვინაიდან ეგვიპტელებს იმ დროისთვის ოფიციალური ვალუტა არ ჰქონდათ, გადასახადი სხვადასხვა მოსავლის წამორთმევას გულისხმობდა.

ბარილი (1350)

კიდევ ერთი გადასახადი, რამაც გამოიწვია უზარ-

მაზარი ცვლილება, იყო „გაბელის“ მარილის გადასახადი საფრანგეთში. მიუხედავად იმისა, რომ კანონი 1790 წელს გაუქმდა, ნაპოლეონმა იგი აღადგინა 16 წლის შემდეგ და ის 1945 წელს ისევ გაუქმდა.

წაყვანი (1535-1772)

ინგლისის ტიუდორებმა პირველად გამოიგონეს შემოქმედებითი წვერის გადასახადი. გადასახადი წვერზე მეფე ჰენრი VIII-მ შემოიღო 1535 წელს. მისმა უმცროსმა ქალიშვილი ელიზაბეტ I-მა ასევე დაანება ბაჟი ულვაშებზე. გადასახადი გაუქმდა 1772 წელს.

ფანჯრები (1696)

კიდევ ერთი გამოუსადეგარი ბრიტანული გადასახადი იყო ფანჯრის გადასახადი. 10-ზე მეტი ფანჯრის მქონე სახლებს 10 შილინგის გადასახადი უწევდა. გადასახადმა ნეგატიურად იმოქმედა ერის ჯანმრთელობაზე, რადგან არაკეთილსინდისიერი მემამულეები ფანჯრებს აგურით აშენებდნენ, რაც სახლში სინესტეს იწვევდა. ბინადრები კი მარტივად ავადდე-

ბოდნენ. გადასახადი გაუქმდა 1851 წელს.

სანთლები (1709)

დიდ ბრიტანეთში 1709 წლიდან 1831 წლამდე სანთლები იბეგრებოდა და არავის შეეძლო მისი დამზადება ლიცენზიის გარეშე.

საპონი (1711)

ბრიტანეთში პოლიტიკოსებმა გადანყვიტეს საპონის გადასახადის დაწესება, რადგან ათწლეულების განმავლობაში ის ფუფუნების პროდუქტად ითვლებოდა. გადასახადი 1835 წელს გააუქმა პრემიერ მინისტრმა უილიამ გლადსტონმა და ხალხს თავისუფლად შეეძლო საპონის გამოყენება.

ჩრდილვა (1993)

2017 წელს იტალიაში, ქალაქ კონელიანომ აამოქმედა 1993 წლის ნაკლებად ცნობილი კანონი - 100 ევროს ოდენობით დაიბეგრა მალაზიები, რომელთა ქოლგები საზოგადოებრივ ბილიკებზე ჩრდილს ქმნიდა.

გაზეთის წინა ნომერში ჩვენ საუბარი გვქონდა მთქნარებაზე და მის დადებით ზეგავლენაზე ორგანიზმსა და ფსიქიკაზე. არანაკლებ ზემოქმედებას ახდენს ადამიანზე ლიმილი. ის ერთი მხრივ აძლიერებს სახის კუნთების განთავისუფლებას მეორე მხრივ-წარმოშობს დადებითი ემოციების იმპულსს, რომელიც თავის ტვინისკენ მიემართება. ლიმილი შედგება კუნთების დაჭიმვისა და მოდუნებისაგან, მაგრამ მარტო ამაში არ არის საქმე. საყურადღებოა, რომ ლიმილი არამარტო იბადება სიამოვნებისაგან, არამედ უკუკავშირის პრინციპით თვითონ ბადებს კმაყოფილებას და პოზიტიურ განწყობას.

მართლაც, საკმარისია ადამიანმა ლიმილის იმიტაცია მოახდინოს, გააკეთოს ლიმილის გრიმასა, რომ მისი ემოციური ფონი ოდნავ მაინც გაუმჯობესდეს. ეს ხდება იმიტომ, რომ კუნთების ამ ერთმნიშვნელოვან ნეირონის „ასახვის“ მხოლოდ ის სასიამოვნო ნუთები, როდესაც ადამიანი განიცდიდა ბედნიერებას და სიხარულს. პირიქითაც ხდება - საკმარისია ადამიანი ოდნავ წელში მოიხაროს, მხრები ჩამოუშვას და თავი ჩაქინდროს, რომ მისი გუნება-განწყობა ცოტა ხანში დაქვეითდება.

სიხარულის სრეზლები...



ლიმილის დადებითი ემოციური ეფექტი შეიძლება მნიშვნელოვნად გააძლიეროს „სიხარულის ცრემლების“ ვარჯიშის საშუალებით.

ფიზიოლოგები თვლიან, რომ ემოციონალური ცრემლები - სტრესიდან დაცვის რეაქციაა. ცრემლე-

ბთან ერთად სტრესის ჰორმონები გამოიდევენება, რომლებიც აძლიერებენ რა ორგანიზმის საერთო წინააღმდეგობის უნარს, ხანგრძლივი დაგროვების შედეგად აწევენ კიდევ მას. მის ზედმეტ გადაძალავას იწვევენ. ამიტომ კრიტიკულ სი-

ტუაციებში ცრემლების შეკავებას, სტრესულ დაავადებამდე მივყავართ (გულსისხლძარღვთა პათოლოგია, კუჭ-ნაწლავის წყლული, ავთვისებიანი სიმსივნე და სხვა).

არსებობს ძალზე ეფექტური ხერხი, როგორ გამოვიწვიოთ „სიხარულის ცრემლები“. დავხუჭოთ თვალები, მოვადუნოთ სხეული, ოდნავ შევჭმუნოთ ცხვირი, და ავნიოთ ნარბები. შემდეგ საჭიროა გონებაში წარმოვთქვათ მალალი „ი“ და ერთდროულად წარმოვიდგინოთ, რომ ეს ბგერა სადღაც ნარბებში იბადება. შემდეგ უფრო მაგრად შევჭმუნოთ ცხვირი, უფრო მალა ავნიდოთ ნარბები და წარმოვიდგინოთ, რომ „ი - ი - ი“ სულ უფრო და უფრო მალა გაისმის. ამ სავარჯიშოს შესრულებისას ადამიანთა უმრავლესობას თვალებზე ცრემლები უბრწყინავს. თუ შეძლებ და ნარბები ანუული დაიჭირო, ბევრს უჩნდება უფრო ძლიერი - სხვებს ოდნავ შესამჩნევი. სასიამოვნო შეგების შეგრძნება, მხიარული განწყობილების შეგრძნება უფრო ძლიერდება თუ ამ სავარჯიშოს უშუალოდ მთქნარების სავარჯიშოს შემდეგ შევასრულებთ.

ბასიკ ბიგოლაშვილი, ფსიქოლოგი

საქართველოს პირველი საკოლექციო, 8000-ევროიანი ბანკნოტი დაიბეჭდა

ნიდერლანდში, კარქოლ პი მასტრიხში, სადაც ევროკავშირის შექმნის მოქმედი სახელი, ყოველწლიურად ქალაქის ფულის გამოშვანა იმართება. ნაღს პირველად ამ გამოშვანაზე კუპონურა საქართველოდანაც ნარაღ-ბინას.

8000-ევროიანი კუპონურის ერთ მხარეს გამოსახულია ალავერდი, როგორც სიმბოლო ქართული ეკლესიისა და მევენახეობის კავშირისა, ასევე ქვევრები. ანერია „შენ ხარ ვენახი“. მეორე მხარეს გამოსახულია ბორჯღალი, დავით-გარეჯა და ბერი ქვევრით. დავითგარეჯში ალიკვეცა ბერად დემეტრე პირველი, ავტორი ლექსისა „შენ ხარ ვენახი“.

პროექტის ავტორი ეკა კვიციანი ამბობს, რომ საკოლექციო ბანკნოტის გამოშვება, მით უფრო ევროკავშირის სივრცეში, საკმაოდ რთულია. საერთაშორისო იურისტმა ჯგუფმა, ქართველ მხატვრებთან გია ჯაფარიძესა და დავით მაისურაძესთან ერთად 6 თვე იმუშავა, რომ პროექტი ევროკავშირის რეგულაციებთან შესაბამისობაში ყოფილიყო.

კუპონურის შექმნის ხარჯები გაიღო TRESURIUM-მა - საკოლექციო ნივთებზე სპეციალიზებული ქართულ-ჰოლანდიურმა კომპანიამ. კუპონურის შექმნა მაშინ გადაწყდა, როდესაც საქართველომ ევროკავშირის წევრი ქვეყნის კანდიდატის სტატუსი მიიღო. კომპანიამ 8000-ევროიანი საკოლექციო ბანკნოტი, თემაზე: „საქართველო - ღვინის ქვეყანა“ - ევროპის ცენტრალურ ბანკთან შეთანხმებით შექმნა.

კუპონურა საკოლექციოა, ანუ მხოლოდ კოლექციონერებისთვის არის განკუთვნილი და მიმოქცევაში არ ჩაეშვება. დაიბეჭდა შეზღუდული ტირაჟით - 5000 ცალი. თუ რა ფასად შეიძლება მისი შექმნა, ჯერჯერობით უცნობია.

„კუპონურის მინიმალურ ფასს ჯერ ვერ დავასახელებ. ნუმიზმატიკურ სამყაროში ფასნარმოქმნის თემა გარკვეულ კანონზომიერებას უკავშირდება. ჯერ პირველი აუქციონი უნდა ჩატარდეს. ამისთვის ბანკნოტი უკვე გადაეცა ამერიკულ კომპანიას. ამ აუქციონის შემდეგ TRESURIUM-ს უკვე შეეძლება გაყიდვა. თუმ-



ცა, ინტერესი უკვე დიდია, როგორც ქართველებში, ასევე უცხოელებში“, - ამბობს ეკა კვიციანი. „ბანკნოტები დაიბეჭდა ჰოლანდიაში და ახლა სპეციალურ საცავში ინახება. ძალიან ძნელია, მიიღო ნებართვა, მით უფრო ევროკავშირში, რომ საკოლექციო ბანკნოტის ნომინალი რამე რიცხვი იყოს (როგორც ამ ბანკნოტის ნომინალია 8000 ევრო), ძირითადად ნულოვანია ხოლმე“.

8000-ევროიანი კუპონურა სიმბოლურად განასახიერებს ღვინის 8000 მოსავალს.

2017 წელს არქეოლოგთა საერთაშორისო ჯგუფმა ქვემო ქართლში ძვ.წ. VI ათასწლეულის ვაზის ნიპნები აღმოაჩინა.

მეცნიერებმა შეისწავლეს თიხის ჭურჭლის რამდენიმე ფრაგმენტიც. ქიმიური ანალიზის შედეგად, თიხის ჭურჭელზე ღვინის მუავის კალციუმის მარილის არსებობა დადასტურდა. ამ აღმოჩენის შემდეგ ქართული ღვინის ასაკი 8000 წლით განისაზღვრა.

8000-ევროიანი ბანკნოტის პრეზენტაცია საქართველოში წლის ბოლოს გაიმართება.

ვის გაეზრდება ხელფასები მომავალი წლიდან

2025 წლის ბიუჯეტის პროექტის პირვანდელი ვარიანტის გათვალისწინებით, ჯანდაცვის პერსონალის ხელფასების 10%-იანი ზრდა იგეგმება.

როგორც ფინანსთა სამინისტროს მიერ გავრცელებულ ინფორმაციაშია ნათქვამი, ჯანდაცვის პროგრამების დასაფინანსებლად, 2025 წლის ბიუჯეტის პირველადი პროექტის მიხედვით, 1,9 მილიარდი ლარზე მეტია გამოყოფილი.

„ჯანდაცვისა და სოციალური დაცვის პროგრამების დასაფინანსებლად სამინისტროს დაფინანსება გაზრდილია 870 მლნ ლარზე მეტით, რომლის ფარგლებში: 70 წლის და მეტი ასაკის პენსიონერთა პენსია იზრდება 35 ლარით და განისაზღვრება 450 ლარის ოდენობით. ამავე კატეგორიის პენსიონერთა პენსია მაღალ-მითან დასახლებებში თითქმის 540 ლარს გაუტოლდება; 70 წლამდე პირთა პენსია იზრდება 20 ლარით და განისაზღვრება 335 ლარის ოდენობით, ხოლო მაღალ-მითან დასახლებებში 400

ლარს გადაჭარბებს;

გარდა პენსიისა, გათვალისწინებულია მკვეთრად გამოხატული და 18 წლამდე შშმ პირების სოციალური გასაცემის ზრდა 35 ლარით, ხოლო დანარჩენი კატეგორიის შშმ პირთა გასაცემის ზრდა 20 ლარით; 120 ათას სოციალურ სარეიტინგო ქულამდე მყოფი ოჯახების 16 წლამდე ბავშვების ყოველთვიური დახმარება შეადგენს 200 ლარს;

ჯამში სოციალური პროგრამების დაფინანსება შეადგენს 6,3 მილიარდ ლარს; ჯანდაცვის პროგრამების დასაფინანსებლად გამოყოფილია 1,9 მილიარდი ლარზე მეტი, მათ შორის გათვალისწინებულია პირველადი ჯანდაცვის პერსონალის ხელფასების 10%-იანი ზრდა;

დევნილთა სახლებით უზრუნველყოფის მიზნით გათვალისწინებულია 240,0 მლნ ლარი“, - ნათქვამია ინფორმაციაში.

ამასთან, 2025 წლის ბიუჯეტის პროექტის პირვანდელი ვერსიით, საჯარო სკოლების ადმინისტრაციული პერსონა-

ლისა და მანდატურის ხელფასების 10%-იანი ზრდაა გათვალისწინებული.

ფინანსთა სამინისტროს მიერ გავრცელებული ინფორმაციით, გაიზრდება საბავშვო ბაღების თანამშრომელთა ხელფასებიც.

„განათლების და მეცნიერების მიმართულებით დაფინანსება გაზრდილია 370,0 მლნ ლარზე მეტით, რომლის ფარგლებშიც: საჯარო სკოლების დაფინანსებაზე მიმართება დამატებით 200,0 მლნ ლარი, რომლის ფარგლებშიც განხორციელდება მიმდინარე წლის ივლისიდან გაზრდილი ხელფასების სრულად დაფინანსება; გათვალისწინებულია საჯარო სკოლების ადმინისტრაციული პერსონალის და მანდატურის ხელფასების 10%-იანი ზრდა; გაიზრდება საბავშვო ბაღების თანამშრომელთა ხელფასები; საჯარო სკოლების მშენებლობა-რეაბილიტაციისთვის გამოყოფილია 560 მლნ ლარზე მეტი; საბავშვო ბაღების მშენებლობა-რეაბილიტაციაზე მიმართება 180,0 მლნ ლარზე მეტი“, - ნათქვამია ინფორმაციაში.

უკანონო ნადირობის ორი ფაქტი დედოფლისწყაროში

გარემოს დაცვისა და სოფლის მეურნეობის სამინისტროს გარემოსდაცვითი ზედამხედველობის დეპარტამენტის თანამშრომლებმა, გადამფრენ ფრინველებზე ნადირობის სეზონის გახსნიდან ერთ თვეში (24 აგვისტო-24 სექტემბერი), უკანონო ნადირობის 215 ფაქტი გამოავლინეს. აქედან 12 შემთხვევა დაფიქსირდა კახეთის რეგიონში, ორი კი დედოფლისწყაროს მუნიციპალიტეტში.

დედოფლისწყაროში დაფიქსირდა მოსაკრებლის გადახდის გარეშე ნადირობის ორი ფაქტი. ჩამორთმეულია 27 მწყერი. გზდ-ს ცნობით, დედოფლისწყაროს ტერიტორიაზე არ დაფიქსირებულა აკრძალული საშუალებებითა და იარაღით ნადირობის ფაქტები და არ ჩამოურთმევიათ სანადირო თოფი.

5 შემთხვევა გამოვლინდა სიღნაღში, სადაც მოსაკრებლის გადახდის გარეშე ნადირობის სამი ფაქტი დაფიქსირდა, ორი კი აკრძალული მეთოდითა და იარაღით ნადირობის ფაქტი. სიღნაღში ჩამორთმეულია 3 სანადირო თოფი, 1 პროყექტორი, 1 ფანარი და მანოკი.

ორ-ორი ფაქტი გამოვლინდა საგარეჯოსა და გურჯაანში, საგარეჯოში 1 შემთხვევაში სამართაკლდამრღვევი უცნობია, ხოლო ამოღებულია ერთი მანოკი. ერთი სანადირო თოფი ჩამოართეს გურჯაანშიც, სადაც ორივე დარღვევა მოსაკრებლის გარეშე ნადირობას უკავშირდება. ასევე მოსაკრებლის გარეშე ნადირობის 1 ფაქტი დაფიქსირდა ლაგოდეხში, ჩამორთმეულია ერთი სანადირო თოფი.

გარემოსდაცვითი ზედამხედველობის დეპარტამენტის ინფორმაციით, უკანონო ნადირობის ყველაზე მეტი - 64 ფაქტი დაფიქსირდა სამეგრელო-ზემო სვანეთში; 57 სამართალდარღვევა გამოვლენილი იმერეთში, 28 - შიდა ქართლში, 16 - გურიაში, 14 - მცხეთა-მთიანეთში, 12 - კახეთში, 10 - სამცხე-ჯავახეთში, 9 - ქვემო ქართლში, 2 - აჭარაში, 1 კი, რაჭა-ლეჩხუმი-ქვემო

სვანეთში. გარემოსდაცვითი ზედამხედველობის დეპარტამენტის თანამშრომლებმა უკანონო ნადირობის 2 ფაქტი აღკვეთეს ქალაქ თბილისის ადმინისტრაციულ საზღვრებშიც.

ქვეყნის მასშტაბით გამოვლენილი სამართალდარღვევებიდან 200 აკრძალული იარაღით ან მეთოდით ნადირობის ფაქტებია. 15 შემთხვევაში სამართალდამრღვევები გარემოდან გადამფრენი ფრინველების ამოღებაზე დანებებული მოსაკრებლის გადახდის გარეშე ნადირობდნენ, 1 კი, ნადირობის წესების დარღვევის ფაქტია. ბრაკონიერებმა უკანონოდ მოინადირეს 27 ერთეული მწყერი, რომელიც დედოფლისწყაროს ველებზეა ჩამორთმეული.

ნადირობის სეზონის დაწყებიდან 1 თვეში ამოღებულია 198 ერთეული ფრინველის მოსაზიდი ხელნაკეთი ხმოვანი სიგნალების გამოძევი ელექტრონული მოწყობილობა.

უკანონო ნადირობის ფაქტების გამოვლენისა და პრევენციის მიზნით, გარემოსდაცვითი ზედამხედველობის დეპარტამენტის თანამშრომლები, ნადირობის სეზონის განმავლობაში, საქართველოს მასშტაბით, 24-საათიან გაძლიერებულ კონტროლს ახორციელებენ. ამასთან, მისიერი რეაგირება ტარდება გარემოს დაცვისა და სოფლის მეურნეობის სამინისტროს ცხელ ხაზზე (153) შემოსულ თითოეულ შეტყობინებაზე.

ილია მარტყოფლიშვილი



მაშაკაცი გარდაცვლილი ნახეს

დედოფლისწყაროს მუნიციპალიტეტში უბედური შემთხვევა მოხდა. 2 ოქტომბერს, სოფელ გამარჯვებაში, 32 წლის კაცი საკუთარ სახლში გარდაცვლილი ნახეს. ადგილობრივები ამბობენ, რომ ცხედართან ერთად სანადირო თოფი იპოვეს, ამიტომაც გაჩნდა ვერსია, რომ შესაძლოა მას იარაღი წმენდის დროს შემთხვევით გაუვარდა და სიცოცხლესთან შეუთავსებელი სხეულის დაზიანება მიიღო. ახლობლების ინფორმაციით, მას იარაღი საკუთარ სახელზე ჰქონდა რეგისტრირებული.

ადგილზე მისულ სასწრაფო დახმარების ეკიპაჟს გარდაცვლილი სტაციონარში აღარ გადაუყვანია.

გამოძიებამ უნდა დაადგინოს, მაშაკაცმა თავი მოიკლა,

თუ შემთხვევით გაუვარდა. ექსპერტები ტყვიის ტრაექტორიასაც სწავლობენ. სოფელში ამბობენ, რომ რამდენიმე თვის წინ ის სასაზღვრო პოლიციიდან გაათავისუფლეს და უმუშევრად დარჩა. ამის გამო მას სამუშაოს საძიებლად სოფლიდან თბილისში წავიდა, ხან დედაქალაქში იყო, ხანაც სოფელში. ადგილობრივები გარდაცვლილს დადებითად ახასიათებენ.

შსს პრესამსახურში გაზეთ „შირაქს“ უთხრეს, რომ მომხდარ ფაქტზე გამოძიება 115-ე მუხლით მიმდინარეობს, რაც თვითმკვლელობამდე მიყვანას გულისხმობს. მოკვლევას დედოფლისწყაროს პოლიციის რაიონული სამმართველო აწარმოებს. **შირაქსი**

ეზოს კეთილმოწყობის კონკურსი საბავშვო ბაღებში

სასწავლო წლის დაწყებთან ერთად დედოფლისწყაროს მუნიციპალიტეტის საბავშვო ბაღებში ეზოების კონკურსი გამოცხადდა, რომელიც გასულ კვირას დასრულდა და გამარჯვებულები გამოვლინდა. პირველ ადგილზე დასახელდა სოფელ ზემო ქედის №2 საბავშვო ბაღი, ხოლო მეორე გამარჯვებულად თავად სააღმშრდელო ცენტრმა არხილოსკალოს საბავშვო ბაღი გამოაცხადა. მოქალაქეთა დიდი მხარდაჭერა ჰქონდა სოფელ ხორნაბუჯის საბავშვო ბაღსაც, თუმცა მას საპრიზო ადგილი არ შეხვდა. 3 ოქტომბერს სააღმშრდელო ცენტრში დაჯილდოვების ცერემონია გაიმართა.

„დიდი მადლობა თითოეულ მონაწილეს — თქვენი კრეატიულობა და შრომა ნამდვილად შეუფასებელია! თქვენმა ნაშრომმა და სიხალისით სავსე

მომავალში არაერთ ნარმატებას და კრეატიულ პროექტს! ჩვენ ყოველთვის თქვენ გვერდით ვიქნებით, რომ ბავშვებისთვის შექმნილი გარემო იყოს უსაფრთხო, სასარგებლო და სიხარულით სავსე.

ეულოცავთ გამარჯვებულებს და კიდევ ერთხელ დიდი მადლობა ყველას, ვინც მონაწილეობა მიიღო. ეს იყო მხოლოდ დასაწყისი. იმედი გვაქვს, რომ მომავალშიც დავეგეგმავთ არაერთ საინტერესო და სიხარულით სავსე აქტივობას!“ — აღნიშნავენ დედოფლისწყაროს სკოლაშენი ალბრდის ცენტრში.

გაზეთი „შირაქი“ გამარჯვებული ბაღების ხელმძღვანელებს გაესაუბრა და მათი შეფასებები მოისმინა.

ანა დედუშვილი (ზემო ქედის №2 ბაღის მენეჯერი): „მომდინარე წლის დასაწყისში მსოფლიო ბანკის დაფინანსებით გავიარეთ ტრენინგი, რის შემდეგაც საბავშვო ბაღის შიდა და გარე სივრცეები მოვანყეთ. პროფესიული განვითარების ტრენინგები საბავშვო ბაღების მენეჯერებმა და აღმზრდელებმა გა-

ში გამოვიყენებთ. ცხადია, კონკურსმა მეტი მოტივაცია მოგვცა. ჩვენ პირველ ადგილზე ხმების მიხედვით გავედით, ამიტომ მადლობას ვუხდით თითოეულ მათგანს დახმარებისთვის. გვერდით დაგვიდგა ადგილობრივი მოსახლეობა, მეზობელი სოფლები და ემიგრანტები. სიმართლე გითხრათ, გამარჯვების მოლოდინი მქონდა, მაგრამ კონკურსის გამო დარწმუნებული არ ვიყავი. საბოლოო ჯამში, მოსახლეობის აქტიურობამ და მათმა მხარდაჭერამ მოიტანა ეს შედეგი და დიდი მადლობა ყველას.“

ეთიარ ქანჭავაძე (არხილოსკალოს ბაღის მენეჯერი): „აღლევებული ვარ. მადლობა ჩვენს სააღმშრდელო ცენტრს იდეისთვის, იმ განუვლი შრომისთვის, რასაც პერსონალის გადამზადება ჰქვია. რომ არა ტრენინგი, ჩვენ ამდენს ვერ შევძლებდით. მადლობა სამართლიანი შეფასებისთვის. ეს ჩემთვის უმაღლესი შეფასებაა, რაც მეტ სტიმულს მაძლევს მეც და ჩემს გუნდსაც. ძალიან სასარგებლო ტრენინგი გაგვატარა სააღმშრდელო ცენტრმა, რაც ნაყოფიერი აღმოჩნდა. იქ გავცანით ეზოს მოწყობის სტანდარტებს, მას შემდეგ დავიწყეთ ფიქრი. არდადეგებამდე დავიწყეთ შრომა, მშობელთა დახმარებითა და ჩართულობით შევძელით ამ ყველაფრის გაკეთება. გვეხერხება ეს საქმე და საკუთარი ხელით გავაფორმეთ. თავმდაბალი ვიქნები, მაგრამ გამარჯვების მოლოდინი ნამდვილად გვექონდა. სხვა ბაღების ეზოები ძირითადად სიღამაზე გათვლილი, ჩვენ კი ყველა დეტალი აქტივობების

ვობებში გამოგვადგება. რა რეკომენდაციაც გვექონდა სპეციალისტების მიერ, რომ ესა თუ ის აქტივობა სასარგებლოა ბავშვისათვის, ვეცადეთ ყველაფერი ჩავგვერთო ეზოში და ხორცი შეგვესხა. ვფიქრობ, ჩანაფიქრი კარგად გამოგვივიდა. დიდი მადლობა მინდა ვუთხრა მუნიციპალიტეტის ხელმძღვანელობას, სააღმშრდელო ცენტრს, ჩემს გუნდს, ბავშვების მშობლებს გვერდში დგომისთვის.“

ემოციებს გვიზიარებენ აღსაზრდელთა მშობლები, რომლებიც მოტივაციაზე საუბრობენ და თითქმის ყველა საბავშვო ბაღში არსებული პირობებით კმაყოფილი არიან.

„ბავშვებისთვის გარემოს გალა-



ეზოებმა ყველა ჩვენგანის გული გაათბო.

პირველი გამარჯვებული — სოფელ ზემო ქედის №2 საბავშვო ბაღი, რომელმაც ყველაზე მეტი მონონება დაიმსახურა! დიდი მადლობა ყველას, ვინც მხარი დაუჭირა ამ შესანიშნავ ნამუშევარს!

მეორე გამარჯვებული — სოფელ არხილოსკალოს ბაბა-ბაღი, რომელიც შეირჩა სააღმშრდელო ცენტრის ადმინისტრაციის მიერ. მათი ეზო გამოირჩევა როგორც კრეატიულობით, ასევე ხასიათდება როგორც ფუნქციური განვითარების სივრცე ბავშვებისთვის!


განსაკუთრებული მადლობა თითოეულ საბავშვო ბაღს, რომელმაც აქტიურად მიიღო მონაწილეობა კონკურსში! თქვენმა შრომამ და ინიციატივამ არა მხოლოდ კონკურსი, არამედ ბავშვების ყოველდღიური გარემო უკეთესი გახადა. ყველა მონაწილე ბაღი მიიღებს მადლობის სერტიფიკატს განუვლი შრომისა და კრეატიულობის აღიარებისთვის!

ორივე გამარჯვებულ ბაღს გადაეცათ ჩვენი სპეციალური საჩუქრები, რომლებიც მომავალშიც შეუწყობს ხელს მათი სივრცეების კიდევ უფრო განვითარებასა და გამრავალფეროვნებას!

დიდი მადლობა თითოეულ საბავშვო ბაღს, რომელმაც აქტიური მონაწილეობა მიიღო კონკურსში და უზარმაზარი შრომა ჩადო თავის ნამუშევრებში. ჩვენთვის თითოეული თქვენგანი გამარჯვებულია! გულწრფელად გისურვებთ



ვიარეთ და ექსპერტებმა ბევრი სიახლე გვასწავლეს. ძალიან კმაყოფილები დავბრუნდით ამ სწავლებიდან და ბევრისმომცემი იყო ჩვენთვის. სწორედ მათი რეკომენდაციებით მოვანყეთ ეზო. ამ კონკურსისთვის რამდენიმე თვეა ვემზადებოდით. მშობლების და მეგობრების დახმარებით, ნაჩუქარი მეორადი მასალების გამოყენებით მოვამზადეთ დეკორაციები, რომლითაც ეზო გავაფორმეთ. დიზაინერი არ გვყოლია, ყველამ შეიტანა ამაში თავისი ნვლილი და საკუთარი ხელით მოვანყეთ. გარკვეული სტანდარტები იყო მოცემული და ამის მიხედვით ვიმოქმედეთ. კონკურსის გარეშეც სამომავლოდ ისევ გავაგრძელებთ ეზოს მოწყობას. ამ დეკორაციებს კი სხვადასხვა აქტივობებ-



მიხედვით დავგეგმეთ და 18 სახეობის კუთხე მოწყობა და ყველა მათგანი სასწავლო პროცესში დავგეგმილ აქტი-

მაზება მხოლოდ ხელისუფლებისა და ბაღის თანამშრომლების საზრუნავი არ არის. მშობლებმაც უნდა შეიტანონ ნვლილი. პატარები საბავშვო ბაღში უფრო მეტ დროს ატარებენ, ვიდრე ოჯახებში. ამიტომაც სიამოვნებით ჩავერთეთ ამ ინიციატივაში და მაქსიმალურად ვეცადეთ, ვისაც რა შეგვეძლო ის ნივთი მოგვეტანა ოჯახებიდან და ფიზიკურადაც დავხმარებოდით მასწავლებლებს იდეების ხორცშესხმაში. გაცნობიერებული გვაქვს, რომ რაც უკეთესი გარემო მოეწყობა საბავშვო ბაღების ეზოებში, მით უკეთესია ჩვენივე შვილებისთვის, ამიტომ უკან არ დავიხევივია. იყო დრო, როცა შემა, საკვები მშობლებს სახლიდან მიჰქონდათ და პლუს, ყოველთვის გადასახადსაც ყველა ბაღში. აღარც გადასახადია და მშობლებსაც აღარ გვთხოვთ საკვები პროდუქტების სახლიდან მომარაგებას. შესანიშნავი პირობები აქვთ და მხოლოდ ღონისძიებებში თუ დასჭირდებათ მშობლების თანადგომა და ჩართულობა, ცხადია საამისოდ მზად ვართ.“ — აღნიშნავენ მშობლები.

ილია მარტყოფლიშვილი

გოდერძი ჩოხელის გამონათქვამები...

„ახლა ყველა ადამიანი მოთხრობა მგონია და ყველ მათგანს სათაურს ვუძებნი.“
 „ქალის სიყვარული დასაწყისია იმ დიდი სიყვარულისა, რასაც მარადიული სიცოცხლე ჰქვია.“
 „სიყვარულთან ერთად, თუ სიყვარულის გარდა ამ ქვეყანაზე არსებობს ბედისწერა, რომელიც ყველაფერს თუ არა, თითქმის ყველაფერს განაგებს ადამიანის ამქვეყნურ შარაგზაზე, ზოგისთვის რომ

მართლა შარაგზა არის და ზოგისთვის კი, მიხვეულ - მოხვეული, ეკლიანი ბილიკი. სიყვარული კი ისეთი ღვთაური გრძობაა, გინდა შარაგზაზე იდგე და გინდა მიხვეულ - მოხვეულ, ეკლიან ბილიკზე, ამ გრძობას უიღბლოს ვერ უწოდებ, იმიტომ რომ ის სიყვარულია.“
 „ბავშვები სუფთა იბადებიან, ადამიანებს მერე გვემღვრევა სული.“

ი ყ ი დ ე ბ ა !

იყიდება დედოფლისწყაროში კერძო ავტოს სახლი 170 მეტრკვადრატით, ბელეტაჟზე. მეტალოკრამიტის გადახურვით, მეტალოლასტმასის ფანჯრებით. სამზარეულო, აბაზანა-ტუალეტი შიგნით და კაფელ-მეტლანით გაკეთებული, ქერზე „გიფსოკარდონებით“, გათბობით, ცივი და ცხელი წყლით. ყველაფერი ახალი გარემონტებული. ეზო 800 მეტრკვადრატით ხეხილით, რკინის კარით. ფასი 34 700\$ ტელ: 595 32 47 61

| ამინდი | | დედოფლისწყარო | | კვირა | |
|----------------|-----------------|-----------------|-----------------|-----------------|--------------|
| ორშაბათი 07.10 | სამშაბათი 08.10 | ოთხშაბათი 09.10 | ხუთშაბათი 10.10 | პარასკევი 11.10 | შაბათი 12.10 |
| დღე | ღამე | დღე | ღამე | დღე | ღამე |
| | | | | | |
| 22° | 11° | 25° | 12° | 22° | 12° |
| | | | | | |
| 25° | 12° | 23° | 12° | 21° | 11° |
| | | | | | |
| 19° | 11° | 19° | 11° | 19° | 11° |

გამომცემელი შპს „შირაქი“
 დირექტორი **ინგა შიოლაშვილი**
 რედაქტორი **ილია მარტყოფლიშვილი**

სარედაქციო კოლეგია: შუშუნა ყანაშვილი, ელზა ხარაშვილი (ჟურნალისტიკა); ხათუნა ბენაშვილი (კორექტორი); ნათელა ბოსტაშვილი (ბუღალტერი); ნინო ჯანაშვილი (ოფის-მენეჯერი); მზია ქანჭავაძე (საქმის მწარმოებელი).

გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შპს „გამომცემლობა სამშობლოს“ სტამბაში.

რედაქციის მისამართი: ქალაქი დედოფლისწყარო, ფიროსმანის №18, ☎ 0 356 22 22-85; 598 72-18-72 (დირექტორი) 593 275-275 (რედაქტორი)

რეგისტრირებულია დედოფლისწყაროს რაიონის სასამართლოს მიერ, № 6014-468.
გაზეთის გამომწერა ნელინადმი - 20 ლარი